

Cinz Sihbyauh Fwenvuengz Fwencuengh Guengjsae

广西壮欢歌王覃西标

□ Liu Bwnjvei/廖本惠 Ouh Lizcungh/欧立忠

“Majbingz Siengcouh dwg Mbanjcuengh, sai mbwk geq nyez ciengq Fwencuengh, Sihbyauh daj iq gyaез eu fwen, гаenx hag гаenx lienh baenz fwenvuengz.” Youq Siengcouh Yen Majbingz Cin Veizlungz Cunhvej Davungh Cunh, miz boux sai gyaез ciengq Fwencuengh he heuh Cinz Sihbyauh, de camgya “Guengjsae gyaеundei · lajmbanj cinghseuq” Guengjsae fwenvuengz doxdax Guengjsae Vwnzva Dingh caeuq Guengjsae Fwen Yozvei youq Siengcouh Yen banh haenx, caeuq ca mbouj lai bak boux fwenvuengz daj gak yienh si Guengjsae daeuj haenx caemh daiz doxdax, yungh gij sing fwen ndei dingq caeuq gij gi’gyauj eu fwen gvenqsug de ndaej hingz, ndaejdaengz bingzvej haenhndei, doeklaeng ndaej faensoq ceiq sang aeundaej mingz daih’it fwenvuengz Guengjsae. Cinz Sihbyauh yungh Vahcuengh yienj eu fwen, hawj yienhciegz bouxyawj haenh mbouj dingz.

Cinz Sihbyauh bi 1968 doekseng, daj iq couh youq Majbingz dieg Mbanjcuengh neix gvaq ndwenngoenz, caencik baengzyoux henzgyawj cungj gyaез eu Fwencuengh, daj iq couh ndaejdaengz Fwencuengh oenqyuem, daj de roxsoq hainduj, couh caeuq vunz ndaw mbanj hag eu Fwencuengh. Miz baez he, de caeuq vunz ndaw mbanj bae langh vaiz seiz, sawq ciengq gij fwen gip ndaej haenx, aenvih sing’yaem de ndei, geiq ndaej yunh maenh, de laeglemx hag gij fwen bouxwnq ciengq haenx, lij gyahaeuj gij fwen gag bien, gig vaiq couh yinx



▲Cinz Sihbyauh youq gwnz daiz eu fwen.

ndaej vunzmbanj louzsim. Baez daengz ngoenz singhgiz, Cinz Sihbyauh daj hagdangz dauq daengz ranz, vunzmbanj bae hawfwen seiz, cungj gyaез daiq de bae, bae riengz hag eu Fwencuengh. Miz baez he bae hawfwen Liujgyangh Yen Conhsanh Cin youq gapgyaiq Siengcouh caeuq Liujcouh Si haenx, miz boux bohlungz Liujgyangh Yen he yungh Fwencuengh daeuq de “Roeglaej iqet diegdieg mbin, mbouj rox eu fwen luenh daeuj guh, mboujyawx vaiq di dauq ranz bae, mienxndaej bohme ra sinhoj.” Hoeng Cinz Sihbyauh bi’ndwen iqetet haenx mbouj fugheiq dauq yungh Fwencuengh hoiz de “Roeglaej iqet yiengjsoso, lwgnyez cib bi rox eu fwen. Mbouj yungh bohme daeuj son gou, dou gag coengmingz mbouj banhфap.” Daengx ciengz bouxyawj cungj haenh de

lwgnyez cib bi neix eu fwen caen ndei youh raeuzrwdrd.

Aenvih de dwg lauxdaih ndaw ranz, lij miz daegnuengx dahnuengx, de doegsaw daengz cuhcungh seiz, couh ngaiz buenqbangh dingz hag mbouj doegsaw dauq ranz bang bohme ndaem reih ndaem naz lo. Yienznaeuz dauq ranz guh hongreih hongnaz, hoeng de lij gyaез eu Fwencuengh. Majbingz Cin dieg youq gapgyaiq Liujcouh Si Liujgyangh Yen, liz Liujcouh Si hix mbouj gyaе, youq 20 sigij 80 nienzdaih, de couh ciengzseiz gwih danci bae hawfwen Liujcouh Si、Liujgyangh Yen. Miz baez he, Liujcouh Si banh hoihfwen sam nyied sam, dinbya Byayizfungh Liujcouh naengh rim bouxyawj, miz song boux canghfwen mehmbwk daengzciengz couh yungh Fwencuengh caeuq Cinz Sihbyauh doiq hwnjdaeuj

“Gou dwg fwenvuengz Liujgyangh Yen, gyaез eu Fwencuengh bae seiqfueng, dinbya Yizfungh daeuj doxdax, dahnuengx hix daeuj ceng mingzdaeuz.” Canghfwen mehmbwk Liujgyangh ciengq sat, Cinz Sihbyauh couh yungh Fwencuengh doiq: “Gangj youx gangj gvaq cien bak baez, baeznaengz gangj le cungj saetbaih, aenvih ndaw ranz gungzhoj lai, gyahoj nanz baenz sueng baenz doiq.” “Duzrwi baenz gyoengq bae aeu va, cingj mwngz gaej dandog mbin bae, nuengx mwngz mbouj ndaej sim lailai, daeggo doiq mwngz dwg caencingz.” Doenggvaq bae hoihfwen dinbya Byayizfungh haenx, Cinz Sihbyauh aeundaej meh baz dauq lo.

Cinz Sihbyauh bineix ca mbouj lai 50 bi, hoizwnq gij iuheuh dangvej cwngfuj, de гаenxmaenx bae guh hong “Guengjsae gyaеundei · lajmbanj cinghseuq”, de mboujdan youq ndaw mbanj daiqdaeuz guh hong lajmbanj cinghseuq, lij ciengzseiz yungh Fwencuengh senhconz gij ndeicawq lajmbanj cinghseuq. Gaenh song bi neix, haigu Guengjsae gyaеundei lajmbanj cinghseuq fwen doxdax seiz, de cungj aeundaej itdaengjciengj, dingq gij Fwencuengh de ciengq “Lajmbanj cinghseuq aeu geiqmaenh, caezgya gaej luenh vut nyapnyaj; saedyienh siengjmuengh moq Guengjsae, bya heu raemx saw riunyummyum.” Aenvih Cinz Sihbyauh ciengzseiz yungh Fwencuengh sevei cujyi hwzsinh gyacizgvanh, gag daiq-daeuz souj gijliz souj faplwd, bi 2015, ndaej bingz baenz boux hawj vunz aeueiq moq Majbingz Cin.

Daj Lauxbanj Iq Baijdan Daengz Lauxcungj Cizdonz GunghswH

从地摊小老板到集团公司老总

——Gij Goj Cauhnieb Veiz Swgauh Bouxbing Fuzyenz Bouxcuengh

□ 秦大戈 叶露婷 罗丹丹

(ciep geiz gonq) 3 boux doxgap yawjraen hawciengz gaicawx mbouj ndei, foenfoen yungh gak cungj leixyouz iugouz doi cienz. Bouxfathwnj Veiz Swgauh cijndei diegdieg ciq cienz boiz gij ngaenz boux doxgap roengzbonj haenx. Haemhndaep, boh-meh Veiz Swgauh mboujduenh dwk dienhvah hawj lwg dauq ranz gvaq cieng, hoeng de ndang mbouj miz saek faen ngaenz cijnaengz naeuz nyaengq guh seng’eiq couh gvaqbae lo, boux dog ndoj youq ndaw rug mad raemxda.

“Huq ndei mbouj lau mbouj miz vunz aeu!” Gvaq cieng doeklaeng, Veiz Swgauh caiq haenq mbat damjceij moq, dawz cauq gauhbinz doiyiengq hawciengz yienh yangh miz muengh ndei gai haenx. Aiq dwg caijsoq ndei daeuj daengz, cij yungh

dinjdēt 20 lai ngoenz, Veiz Swgauh dawz cauq gauhbinz ndaw cang gaemmiz haenx gai bae liux! Ndaej yiengjsouh mbat angqyangz goengfou mbouj nguh boux mizsim he.

Laebbaenz GunghswH Guh Seng’eiq Huq Cuzdienh Ndeiyungh

Cauq gauhbinz ndaej siminz doxcanj yungh, hawj Veiz Swgauh yawjraen hawciengz baenaj engq gvangq haenx. Vih roengzsim cauh-nieb, de yungh gyaqcienz sang gvaq hawciengz boix he co roengz aen bouqdiemq hawciengz gyahden moq youq Loh Liujyungh Liujcouh Si haenx. Mbouj geij nanz, de baenz boux cungjdaihleix Guengjsae cauq gauhbinz denhhöz; bi 2013, de

laebbaenz Aen GunghswH Mizhanh Cizdonz Dengi Mingzmingz Liujcouh Si, faennga gihgou youq Hozciz Yizcouh、Lozcwngz、Sanhgyangh、Yungzsuij、Yungzanh、Laizbinh、Vujsenh、Siengcouh、Ginhsiu、Namzningz、Baksaek daengj dieg cungj miz, cienmonz guh seng’eiq dengi dajcawj.

“Haenqguh mbouj wnggai dingz, cijmiz mboujduenh roengzrengz cij ndaej benz hwnj diegsang moq.” Veiz Swgauh naeuz, cauq gauhbinz mbouj dwg diemj satbyai cauhnieb, laeb-baenz gunghswH cij dwg ngamq hainduj cauhnieb. Seizneix, de mboujduenh yiengq dieg moq gya-gvangq, mboujdan gai gij cauq gauhbinz binjciz sang haenx, lij daihleix rekdenfangoh “gauhshwdaz-

dwz” miz “feihdauh daxmeh” haenx, rekdenfangoh “gauhshwdazdwz” dwg youz dengi conghyah Luz Yizmingz yenzgiu haifat okdaeuj. Yungh haeuxsan bujdungh, ndaej cawj ok gij haeux unqniu, youh homftw haenx.

Veiz Swgauh bang Luz Yizmingz bauq guekgya cienleih, caemhcaiq doxyaeng aeu ndaej gij gienzdaihleix cienzbouh rekdenfangoh “gauhshwdazdwz”. Aen gunghswH Veiz Swgauh cienmonz gai gij cuzdienh binjciz ceiq sang youh ndeiyungh haenx, muzdiz dwg hawj beksingq yungh ndaej cuengqsim、yungh ndaej simsangj, gij caetliengh saedceij donqgnw baenz yamq baenz yamq daezsang lo, Veiz Swgauh cingq roengzrengz hawj siengjmuengh cauhnieb de engq fung-fouq. (sat)